

# Njuolgasusá stipendajda alep áhpadussaj 2019

## 1.1 Stipænndaárniga ulmme ja vuorodime

### 1.1.1 Stipænndaárniga ulmme

- lenep mánárgárdde- ja vuodoskávllááhpadiddje sáme giella- ja kultuvrramáhtudagájn.

### 1.1.2 Vuorodime

- Mánárgárddeáhpadiddjeáhpadus
- Vuodoskávllááhpadiddjeáhpadus mastar 1-7 ja 5-10, sámezielajn fáhkasuorgen
- letjá áhpadiddjeáhpadusá (PPÅ jnv.)

### 1.1.3 Ævto ulmmáj jávsádtittjat

- Stipænndaoadtjo I tjadádam eksámav juolloduvvam stipenda gáktuj

## 1.2 Áhtsámusá hábme ja sisadno

### 1.2.1 Doarjjaoadtjo / Gudi máhtti áhtsát

- Studenta sáme mánárgárdde- ja vuodoskávllááhpadiddjeáhpadusán ja praktihkalasj – pedagávgálasj áhpadusán Sáme allaskávlán.
- Studenta oarjjelsáme- ja julevsáme vuodoskávllááhpadiddjeáhpadusán Nuortta universitiehtan.
- Studenta allaskávlájn ja universitiehtajn Vuonan gudi li Vuona álmukregisstarin, ja gudi máhtti duodastit tjadáduvvam eksámav jali ábbálasj karakterav sámezielan 1. jali 2. giellan joarkkaskávlás, jali vásstediddje dáses.

### 1.2.2 Áhtsámájggemierre

- Áhtsámájggemierre áhpadusájda gidá áhpadusgávdan I guovvamáno 1. biejeve.
- Áhtsámájggemierre áhpadusájda tjakta áhpadusgávdan I gálgádismáno 1. biejeve.

Áhtsámusá sáddiduvvam dáj biejevij maŋŋela e giehtadaláduvá.

### 1.2.3 Gájbbáduusá áhtsámussaj

- Sámedikke digitála áhtsámsjiebmá galggá aneduvvat.
- Áhtsámusá ma e gájbbáduusájt átsátjit állida, hilgoduvvi.

### 1.2.4 Ævto áhttsáj

- Áhtse galggá tjuovvovasj duodastusájt áhtsámusá tjuovvusin biedjat:
  - Áhpadus ja galla oahpottjuorga
  - Duodastus jut sámegiella I oassen fáhkasuorgen vuodoskávllááhpadiddjeáhpadusán
  - Duodastus mávseduvvam áhpadusgávdadivut

- Áhtse galggá duodastit tjadáduvvam eksámav jali ábbálasj karakterav sámegielan 1. jali 2. giellan joarkkaskávlás, jali vásstediddje dáses. Dát guoská áhttsijda 1.2.1 tjuokka goalmát tjuoggán.
- Áhtse gut ij la Vuona álmukregisstarin ja studænntan vuoroduvvam áhpadosán Sáme Allaskávlán jali Nuortta universitietan, hæhttu tjuovvovasj duodastusájt buktet ávddála stipænnda máhtta juolloduvvat; pássanummar, namma ja adræssa ietjas bánŋkaj, lbanummar ja Swift.
- Áhtse gut ij la Vuona álmukregisstarin iesj hæhttu Sámedikkijn guládallat sierra áhtsámsjiemáv áttjudittjat. Áhtsámsjiebmá galggá e-pásta baktu sáddiduvvat ávddála áhtsámájggemiere. Áhtsámus galggá vuollájtjáleduvvat áhttses ja scanniduvvat jali gávviduvvat.
- Stipænnda ij juolloduvá sæmme fágan sæmme dásen ienebut gå akti.
- Stipænnda ij juolloduvá áhpadosájda binnep gå 10 oahppotjuorgaj juohkka áhpadosgávda
- Stipænnda juolloduvvá ienemusát 30 oahppotjuorgajda juohkka áhpadosgávda

## 1.3 Merustallamnjuolgasusá ja definisjavná

### 1.3.1 Merustallamnjuolgasusá

#### 1.3.1.1 Merustallamnjuolgasusá I

Mánájgárddeáhpadiddjeáhpados

Vuodoskávlááhpadiddjeáhpados vidájahkásasj mastar 1-7 ja 5-10, sámegielajn fáhkasuorgen

Binnemusát 30 oahppotjuorga juohkka áhpadosgávda 25 000 krávná

15 ja 29 oahppotjuorgaj gaskan juohkka áhpadosgávddaj 10 000 krávná

10 ja 14 oahppotjuorga gaskan juohkka áhpadosgávda 5 000 krávná

#### 1.3.1.2 Merustallamnjuolgasusá II

Lektoráhpados 8-13

Praktihkalasj - pedagávgálasj áhpados gájjkásasj fágajda

Praktihkalasj - pedagávgálasj áhpados viddnofágajda dáse 8-13

Viddnofáhkaáhpadiddjeáhpados

Fáhkaáhpadiddjeáhpadosá praktihkalasj ja estehtalasj fágajn

Binnemusát 30 oahppotjuorga juohkka áhpadosgávda 10 000 krávná

15 ja 29 oahppotjuorgaj gaskan juohkka áhpadosgávddaj 5 000 krávná

10 ja 14 oahppotjuorgaj gaskan juohkka áhpadosgávddaj kr 3 000

### 1.3.2 Definisjavná

Guokta áhpadosgávda li áhpadosjagen, gidá- ja tjaktja áhpadosgávdda.

## 1.4 Áhtsámusá giehtadallam

### 1.4.1 Áhtsámusá giehtadallam

- Áhtsámusá ma e gájjbádušájt állida átsáttit, hilgoduvvi.
- Áhtsámusá avtatrajáak giehtadaláduvvi ja ávddála gálmma máno li vássám dat rájes gå áhtsámusáv oattjojma.
- Sámedigge máhtta ienep duodastusáv gatjádít jali tjielgadimtjáhkaniemáj gáhttjot.
- Vádna duodastus tjadáduvvam eksámas ávddála stipænndajuollodimij, hilgodimev buktá.

## 1.4.2 Ævto stipænndaoadtjuj

- Stipænndaoadtjo galggá eksámav tjadádit daj oahppotjuorgaj gáktuj majda I stipendav oadtjum.
- Eksábma galggá tjadáduvvat dan áhpadusgávdan masi stipænnda I juolloduvvam.

## 1.4.3 Ájggemierre eksámav tjadádittjat

- Eksámav áhpadussaj masi stipænnda I juolloduvvam, galggá tjadáduvvat dan áhpadusgávdan masi stipænnda I juolloduvvam.
- Gá li sierra sivá vuodon, stipænndaoadtjo máhtta tjálalattjat áhtsát ájggemierev mañedittjat eksámav tjadádittjat. Áhtsámus galggá tjielggiduvvat ja Sámediggáj sáddiduvvat ávddála eksábmabiejve mij áhtsámusán ávddán bohtá.

## 1.4.4 Rievddadusá doarjjaævtojn

- Gá stipænndaloahpádus gávnnu, la stipænndaoadtjo iesj vælggogissan diededittjat máhttelis rievddadusáj hárráj stipenda ævtojn.

## 1.4.5 Máksemævto

- Ábbálasj stipænnda mávseduvvá gá mærrádus la dagáduvvam.
- Jus áhttse la ávddála stipendav/dárjav Sámedikke oadtjum ja ij la gájbbádusájt stipænndaj/doarjjaj állidam, máhtta buktet jut máksema ganugahteduvvi desik gájbbádusá álliduvvi. Ietján doajmmi njuolgadusá lágan Lov om foreldelse av fordringer (foreldelsesloven).

## 1.5 Diededibme

### 1.5.1 Diededibme ja dárkastus

- Duodastus tjadáduvvam eksámas gidá áhpadusgávdas galggá sáddiduvvat ávddála gálgádismáno 1. bieje budsjehttajagen.
- Duodastus tjadáduvvam eksámas tjaktja áhpadusgávdas galggá sáddiduvvat ávddála guovvamáno 1. bieje tjuodtjelij budsjehttajage.

### 1.5.2 Dárkastus ja gátsedibme

- Sámedigge máhtta dárkesti jus doarjja aneduvvá ævtoj milta, gehtja juollodimnjuolgadusájt § 10 nuppev oasev ja rijkarevisjavná lága § 12 goalmát oasev.
- Sámedigge máhtta dárkesti jus stipænndaoadtjo I eksámav tjadádam ja gájbbedit ábbálasj stipendav ruoptus mákset jus ij la.
- Sámedigge máhtta ienep diedoijt bivddi majt áhttse I vælggogissan buktet. Dát guosská diedoйда ma galggi aneduvvat statistihkajn ja ietjá diededimijn.

### 1.5.3 Stipendav ruoptus mákset ja fámoduhttet

- Sámedigge gájbbet ruoptus mákset jus la ilá álov stipendas oadtjum.
- Sámedigge stipænndajuollodimev ruoptus gæssá, vuorddá máksemijn jali gájbbet stipendav ruoptus mákset jus:

- Stipænndaoadtjo I diededimvælggogisvuodas doadjám.
- Stipænnda ij aneduvá juollodime ulmij ja ævtoj hárráj mierreduvvam juollodimgirjen.
- Stipænndaoadtjo I mærrádusájt dájñ njuolgadusájn doadjám.
- Jus stipænndaoadtjo ij ruoptus mávse dákkir dilijn, máhtta Sámedigge diggemærrádusájt áttjudit vaj ruoptus mávseduvvá. Jus ij ruoptus mávseduvvá ávddála dan ájggemiere mij biejaduvvá, máhtta maññunimræntojt duodden gájbeduvvat, gehtja lágav maññunimræntoj hárráj javllamáno 17.b. 1976 nr 100 ræntoj hárráj maññunam máksemij jnv.